

يا طالع الشجرة

يا طالع الشجرة
هاتلي معاك بكره
ويكون علي قدي
وتكون عينيه سمرا

العدل ف يمينه
والشمس ف جبينه
يمشي علي مهلي
وإن تهت يندھلي
يا طالع الشجرة
هاتلي معاك بكره
ويكون علي قدي
وتكون عينيه سمرا

يا بكره فين انت
ها تفوت هنا امتي؟
ها تجيب معاك حلمي
وللا تزيد ظلمي؟
يا طالع الشجرة
هاتلي معاك بكره
ويكون علي قدي
وتكون عينيه سمرا

صليت جميع فرضي
زكّيت ومش مرضي
خايف أموت قبلك
ما تلمنيش أرضي
يا طالع الشجرة
هاتلي معاك بكره
ويكون علي قدي
وتكون عينيه سمرا

يا طالع الشجرة
لو جه معاك بكره
خليه يكون ضحكة
نكسي بها الفقرا

غناء المطرب المصري على الحجّار
كلمات شاعر العامية البورسعيدي محمد عبد القادر